

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>





觀世音菩薩祕藏神咒經  
觀世音菩薩如意摩尼陀羅尼經  
觀自在菩薩如意心陀羅尼咒經

唐于闐三藏實叉難陀譯

唐北天竺三藏法師寶思惟譯

唐三藏法師義淨奉詔譯

觀世音菩薩祕藏神咒經、觀世音菩薩如意摩尼陀羅尼經、觀自在菩薩如意心陀羅尼咒經



清刻龍藏佛說法變相圖

三經同卷

觀世音菩薩祕藏神呪經

觀世音菩薩如意摩尼陀羅尼經

觀自在菩薩如意心陀羅尼呪經

觀世音菩薩能四祕藏神呪經

唐于闐三藏實又難陀譯

祕藏神呪除破一切惡業陀羅尼品第一  
 如是我聞一時佛在伽栗斯山與大菩薩衆  
 俱爾時觀世音菩薩摩訶薩即從座起整衣  
 服胡跪合掌白佛言世尊我有大陀羅尼法  
 名摩訶波頭摩栴檀摩尼心輪能於一切事  
 所求皆得成就若如來大慈悲許我說者我  
 當承佛神力為饒益一切衆生故說所以者  
 何世尊此陀羅尼有大神力猶如摩尼寶亦

如如意樹能滿一切願爾時世尊讚觀世音  
菩薩言善哉善哉汝已慈悲故為衆生能如  
是問聽汝無障礙說此陀羅尼觀世音菩薩  
既蒙聽許即起合掌作禮還坐本處諦觀衆  
會具大慈心即說呪曰

那謨喝囉怛那二怛囉二夜耶一那謨阿哩

耶二婆盧枳帝捨隸二囉耶二曝地具

切薩怛隸二耶三摩訶薩怛隸二耶二

四摩訶箇路尼上聲箇耶五怛姪他六嗚吽二

七斫箇囉二筏底多八振多末尼九摩訶播

特迷二合嚕嚕底多瑟吒二合闍隸二

合囉十阿箇哩沙二合耶三虎切泮吒聲

隸二訶已上根合訶二本身呪

烏吽二合播特摩二合振哆末尼闍隸二囉虎吽

上二合已心呪

烏吽二合筏囉陀耶播特迷二合虎吽二合已上

爾時觀世音菩薩說此如意輪陀羅尼已大

地六種震動天龍夜叉乾闥婆阿修羅迦樓

羅緊那羅摩睺羅伽等宮殿悉皆震動魔王

及諸魔衆生大驚怖魔王宮殿皆悉火起自

餘衆類夜叉惡鬼能並皆惶懼仆面倒地一切

地獄門開罪人解脫受天勝樂爾時天雨寶

華及種種寶莊嚴具諸天音樂在虛空中出

種種聲供養如來爾時世尊以梵音聲說偈

讚觀世音菩薩摩訶薩言善哉善哉汝善男

子愍念衆生說陀羅尼能令衆生得大勝益

爾時世尊復告觀世音菩薩言善男子能為

諸衆生故說此大神通王陀羅尼法時觀世

音菩薩白佛言若有善男子善女人比丘比

丘尼優婆塞優婆夷童男童女於此生中欲

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



求現報當於晝夜一心精勤不忘此陀羅尼者亦不揀擇時日淨與不淨若誦得已即有成驗凡所求事當誦一百八遍即百千事成更無別有神呪及此如意輪王陀羅尼者所以者何過去現在惡業重障悉能破壞若能

誦此陀羅尼應墮阿鼻地獄即得解脫五逆

等罪亦悉除滅何況其餘惡業及諸厄難一

切疾病若熱病一日二日三日四日若晝若

夜若風黃腦黃痰癢等病誦此呪者悉得除

愈若被蠱毒厭禱丁瘡疥癩癘痒風狂頭痛

及耳鼻唇舌牙齒咽喉口面頂腦胃脇心腹

腰背脚手頭足等痛悉得除瘥但是身中有

病皆悉治之若夜叉羅刹毗那夜迦惡魔鬼

神悉不能害亦不畏刀兵水火惡風雷電怨

家劫盜惡王惡賊終不能害亦不橫死及諸

惡夢魘蛇蝮蠍守宮百足蜘蛛諸惡毒獸師子虎狼悉不能害兵鬪戰陣皆得勝利若有官事諍訟皆得和解若讀誦此陀羅尼一遍如上等事悉得隨意若日日誦此陀羅尼一百八遍見觀世音菩薩告言汝善男子汝等

勿怖欲求何願一切施汝阿彌陀佛自現其

身見極樂世界莊嚴之事如經中說亦見極

樂世界諸菩薩衆亦見十方一切諸佛亦見

觀世音菩薩所居住處補怛羅山即得自身

清淨常爲諸王公卿宰相恭敬供養衆人愛

敬所生之處不處母胎生蓮華上微妙莊嚴

在所生處常得宿命始從今日乃至成佛終

不墮惡道常生佛前

秘密藏一切愛樂法品第二

爾時觀世音菩薩憐愍衆生復說秘密如意

心輪陀羅尼但有所須皆悉自來有二種財  
一者世間財二者出世間財世間財者金銀  
等寶出世間財者福德智慧具二莊嚴身心  
悅豫衆人愛敬能救一切衆生苦慈心增長  
能與智者樂具資生增益能加勢力唯此秘  
密藏境界不得向餘人說若欲得此如意輪  
陀羅尼求最勝驗者至心一切時一切處淨  
與不淨常應誦持一無過失所誦課充復應  
稱觀世音菩薩名及如意輪陀羅尼并稱彼  
人名字或時思念若王王子妃后公主婆羅  
門刹利毗舍首陀若男若女童男童女種種  
外道但欲親觀者應稱彼人名每至五更使  
得課充若求最勝驗者或親觀國王於七日  
中每至五更誦一千八遍即得相見若欲親  
觀妃后應誦九百遍若欲親觀王子誦八百

遍若親觀內官誦七百遍若欲親觀公主誦  
六百遍若欲親觀婆羅門誦五百遍若欲親  
觀刹利誦四百遍毗舍誦三百遍比丘比丘  
尼一百遍優婆塞優婆夷九十遍童男童女  
誦六十遍此名親觀課法能成辦一切事財  
物奴馬一切樂具有所愛樂者或在遠處意  
所求之如風疾至凡欲爲事但得課充其事  
即成若欲見觀世音菩薩誦一千八遍即見  
真身一切成滿若欲見金剛應誦一萬遍即  
現其前憐念其人如父愛子心所願事悉能  
與之若欲見諸佛及諸大衆誦一萬三千遍  
即見若七日七夜相續誦凡所持呪神皆悉  
現前各各自將已呪功能施與其人常隨擁  
護第七日三千大千世界主及天帝釋與諸  
眷屬俱來皆與其願能依如前所說誦課法



滿者所求之願皆得滿足

觀世音陀羅尼和阿伽陀藥法令人愛樂品

第三

觀世音菩薩復為憐愍眾生故說愛樂藥法

令人見者生歡喜心和合既了身上帶行最

勝成就一切皆得遂意

牛黃 白檀 鬱金香 龍腦香 麝香

豆蔻子 丁香 迦俱羅 蓮華 青蓮華

金薄

各等分白蜜與藥亦等分擣和誦前呪一千

八遍用香或熏身熏衣或塗眼胞上或點額

塗身之時若王及夫人太子百官宮人男子

女人等愛樂欽羨道法發菩提心身力財物

皆悉不惜並能施與為其給使說不可盡猶

如日月一切悉欲樂見諸事皆能成辦若人

帶持此藥罪障消除一切厄難皆得解脫若

王勢力強奪水漂火燒種種刀杖諸毒藥繫

縛煩惱皆得解脫唯須至心然此藥不得輒

內口中毒故

觀世音如意輪含藥品第四

觀世音菩薩憐愍眾生復說口含藥法令一

切愛樂 龍腦香 麝香 鬱金香

細擣和牛黃以上三呪各誦一千八遍以淨

水和之作丸如梧桐子大復誦三呪各一百

八遍陰乾莫令風日到是一一九各誦前三

呪各七遍即著一九內口中若王輔相大眾

等類共一人語時即生恭敬財寶不惜但所

須者一切人皆與之凡所說言一切信受有

所願處並悉剋從著藥口中時常須誦呪觀

世音菩薩即與其願應以觀世音菩薩像前

香水作方壇縱廣四肘用種種華置壇中草木華但求可得者燒白檀香取前丸藥著壇中豎四幢張白憶蓋壇上懸四白旛供養觀世音菩薩然後誦心呪心中心呪各誦一百八遍誦身呪一百八遍然白梅檀香散華爾時求願一切皆獲取壇中藥帶所向之處欲求皆得有所言說亦悉信受一切事皆得成就除不志心

梅檀摩尼心輪眼藥法品第五

時觀世音菩薩憐愍眾生故說眼藥法令一

切人見皆生愛樂心歡喜

慢室迦拘豎 紅蓮華 青蓮華 海水沫

或烏賊魚骨 牛黃 鬱金香 漢鬱金

葶苈 胡椒 乾薑

並等分擣細篩訖前藥有一兩即著麝香龍

腦香半兩細研觀世音菩薩像前和合其前三呪各誦一千八遍於一切眾生邊皆起慈悲心著此藥置觀世音菩薩足下然後觸著即得用銅筋點著眼頭治眼一切病翳障白暈流淚赤瘻青盲頭痛每日一度著此藥置

能口

七

眼中一切眼病皆得除差二日著治身中一切病三日著治八十四種癩四日著內外一切障不能障五日著一切怨賊兵甲鬪戰皆得勝利六日著一切惡業煩惱四重五逆惡夢蠱道悉能破壞終不墮三惡道七日著國王宰相一切大衆皆順恭敬信受愛樂二七日著得大自在三七日著則與國王宰相得相親觀四七日著所有夜叉并諸眷屬為其給使五七日著阿修羅諸龍夜叉羅刹皆為給使六七日著有大功能飛空羅刹厭魅蠱

道乃至成佛常隨逐衛護七七日著摩訶迦  
羅神乃至八部神皆來隨從爲其給使八七  
日著衆人不見九七日著悉見一切伏藏十  
七日著阿修羅宮門自然開闢宮中所有悉  
見出入無礙十一七日著所有一切諸藥猶  
如火狀對治悉皆現前若求長命及大力者  
即得十二七日著衆山開闢寶物出現隨意  
取用十三七日著龍宮自然開闢寶物出現  
隨所見悉皆無障礙十四七日著欲界諸天  
宮殿無不開者皆悉得見十五七日著夜黑  
闇中猶如白日十六七日著地下金地金剛  
地水輪風輪空輪悉見十七七日著四天下  
所有地獄中衆生悉見已得見彼力故諸受  
苦衆生皆得解脫十八七日著其人得力如  
日十九七日著見金剛真身諸願皆滿二十

七日著見大慈悲觀世音菩薩一切願皆得  
滿足二十一七日著飛騰虛空見色界諸天  
宮殿皆悉開闢復見十方諸佛菩薩及佛淨  
國若一年著得五種清淨眼若能修此法者  
應當深信此教憐愍衆生不得生疑一切成  
就如前所說

火唵陀羅尼藥品第六

觀世音菩薩憐愍衆生故說火唵吉祥法能  
成一切事能破一切煩惱罪障惡業若有怨  
敵皆悉降伏微建毗那夜迦瞋心即自歇息  
不復能爲害衆人普生愛敬穿地作爐辟方  
一肘摩梨枝摩練遮白芥子酪蜜酥等分和  
合沉檀香木柴各長十二指橫量指截著爐  
中燒以手抄取少許藥呪一遍放火中燒如  
是滿一千八遍能破一切業障壽命延長年

一百二十歲相續七日能作唵法壽命一千  
歲身即清淨若能二七日作法國王太子輔  
相凡庶歸心恭敬

三七日作法三十三天及諸眷屬并日月四  
天王與其眷屬悉來爲作衛護勒叉金剛與

大効驗觀世音菩薩滿其大願

若國土少雨白芥子及酥以次呪之三日火  
中燒即降雨時若雨多不止取此爐中灰呪  
一百八遍向四方上散之其雨即止

若惡雹下暴風卒起還用此爐灰呪一百八

遍向有雲處遙散即止

若常誦呪力如那羅延捨此身已即生極樂  
世界所在生處常得宿命即至成佛爾時觀  
世音菩薩白言世尊此梅檀心輪陀羅尼如  
我所說若比丘比丘尼優婆塞優婆夷若男

若女受持者必得成就勿生疑心所憶念一  
切事皆須深敬不得生疑爾時佛讚觀世音  
菩薩言善哉善哉大慈悲觀世音菩薩摩訶  
薩乃能說此微妙如意輪陀羅尼法現閻浮  
提利樂諸衆生等若發心口誦即得効驗雖  
然汝依我教與諸衆生數數勤加策勵示誨  
便得効驗爲現其身莫違我語我當隨喜爾  
時觀世音菩薩白佛言世尊我於無量劫來  
以慈悲心受寄衆生常作衛護與其効驗佛  
自證知爲衆生故說此如意輪陀羅尼若有  
受持常自作課誦者諸願皆得我承佛力如  
是救苦衆生爾時觀世音菩薩摩訶薩說此  
如意輪陀羅尼經已一切大衆皆大歡喜信  
受奉行

火唵吉祥陀羅尼

那謨阿羅那哆羅 夜耶 那謨彌陀婆耶  
怛他揭哆耶 那謨曷耶 跋盧枳帝攝拔  
囉耶 菩提薩哆縛耶 摩訶薩埵耶 摩  
訶伽嚧尼 伽耶 怛姪他 唵 阿慕佉  
阿波唎帝 喝多吽 吽破吒 娑婆訶

觀世音菩薩祕密藏神呪經

能

十

觀世音菩薩如意摩尼陀羅尼經 卷四

唐北天竺三藏法師 寶思惟譯

爾時觀世音菩薩白佛言世尊我有明呪法  
大壇名蓮華峯金剛加持秘密無礙觀世音  
蓮華如意摩尼轉輪心陀羅尼觀世音心最  
勝成就世尊為能與一切衆生願成就故於  
世尊前我今當說唯願世尊加護於我為一  
切呪仙兩大寶雨如大劫樹如如意摩尼當  
令一切衆生所願滿足佛言我已加持汝今  
當說一切希求皆令滿足無能障礙觀世音  
心秘密與願爾時觀世音菩薩摩訶薩往詣  
佛所頂禮佛足右繞三匝於世尊前希怡微  
笑以大悲心說此呪王呪曰  
那謨喝囉怛曩 二合 怛囉唎也 一 那摩訶哩也  
一 婆嚕吉帝說 長引 婆囉吽 三 菩提薩埵吽

四 摩訶薩埵吽 五 摩訶迦盧臚迦吽 六 怛姪  
他 七 烏唵 八 合 斫迦囉 九 合 鞞末哩底 十 合  
震哆末尼 十一 摩訶鉢特迷 十二 合 嚕嚕 十三 底瑟  
咤 十四 合 啜囉 十五 阿羯哩灑 十六 合 虎餅 十七 合  
泮吒 十八 合 半莎引訶 十九 此名根本呪 十一  
次說心呪呪曰 能四  
烏唵 二 合 鉢特摩 二 合 震哆末尼 三 平聲 啜囉  
四 合 虎餅 五 合  
次說隨心呪呪曰  
烏唵 二 合 縛囉陀 二 鉢特迷 三 合 虎餅 四 合  
說此呪已大地應時六種震動一切天宮亦  
皆搖動一切龍宮亦皆戰掉一切夜叉乾闥  
婆阿修羅迦樓羅緊那羅摩睺落伽種種皆  
大戰掉一切惡魔及頻那野迦作障礙者悉  
皆驚怖一切魔宮無有光明一切鄙惡衆生

惡龍惡鬼女夜叉女羅刹諸極惡者伏面倒地諸惡毒蟲藏竄孔穴一切地獄無不散壞地獄衆生悉得解脫皆生天上於世尊前兩大供養華香衣服諸莊嚴具於虛空中奏諸天樂爾時世尊以迦陵頻伽美妙音聲讚觀世音菩薩言善哉善哉汝爲利益一切衆生故當說此呪功能觀世音菩薩白佛言世尊若有善男子善女人比丘比丘尼若欲現前求諸利益願即獲者此如意呪即應當勤修不須作法不求宿日不須持齋不須洗浴不須別衣受持之時不須辛苦但讀皆即成就誦者辦諸事業能作百千種種事業無有餘呪與此等者初能銷罪往昔以來所積集者所作事業皆令成就我今當說但讀及誦即能成就無上之事纔讀即令墮阿鼻者皆得

清淨五無間者銷滅無餘病者皆除若有患者但讀此呪即皆除差一切諸毒呪術厭蟲皆不能害一切諸瘡不著其身一切鬼神頻那夜迦諸毒刀杖風雨惡災魔軍及賊他軍王難怨家伺求毒蟲猛獸皆不能爲害終不能四橫死不作惡夢戰伐鬪爭無不皆勝此等諸事纔讀即成脣內誦之滿一百遍觀世音菩薩即於其日現彼人前與其所願皆令成就又見一切諸佛如來及見西方無量壽佛極樂世界及菩薩會補特勤伽山中觀世音菩薩宮殿其身清淨貴人供養衆人樂見罪障蓋纏無不清淨所生之處得宿命智蓮華化生一切妙具皆自莊嚴直至菩提永離惡趣究竟成佛罪惡銷滅善道清淨纔讀誦者皆即成就爾時觀世音菩薩復說最上秘密功

德者為利益哀愍一切衆生攝取令伏遮止惡人令慈增長念誦即成能與衆生作大利益令諸智者得大安樂貨食增長富貴資具無不豐足色力滋盛此呪秘密不得妄說若欲真實成就無上如意摩尼大印念誦即成

若已食若未食若淨若不淨每常誦念悉無過患誦念之時當念憶觀世音菩薩永作依怙若貴若賤若男若女沙門外道稱其名字注心繫念而誦此呪應以後夜若平明時男最貴者一千八遍女最貴者一千七遍第二

能四

十三

貴男誦八百遍第二貴女誦七百遍第三貴女誦六百遍若婆羅門誦五百遍刹利四百遍首陀三百毗舍二百比丘一百八遍女人一百三十遍丈夫一百五十遍童男六十童女九十此念誦法無不歸依攝百由旬迅疾

如風誦八百遍觀世音真身現前令見一切所願皆能與之一切衆生明呪成就誦十千遍聖者執金剛真身現前令呪者見如所愛子鞠養抱持一切明呪皆令成就凡有所欲願與之令滿誦十三千遍得見一切諸佛如

來誦滿七日諸呪仙王皆以真身現呪者前各以所成明呪授與隱蔽其形隨逐擁護一切安樂無不現前七日之內每日之中於後夜時誦三千遍帝釋天王及諸天女下來歸依與明呪願如是等事但誦即成念誦法了爾時復說見者伏法無上成就若纔用者一切隨順

牛黃 白檀香 鬱金香 龍腦香 麝香  
肉豆蔻 白豆蔻 丁香 紅蓮華 青蓮華 金赤土



已上物等分用白石蜜和之此是轉輪王香  
 誦呪一千八遍而和合燒以薰衣塗額塗眼  
 臉上塗身所去之處如日威光眾所樂見若  
 在手者悉皆成就一切眾若貴若賤自身  
 及財亦皆歸伏爾時觀世音菩薩為利益一  
 切眾放生復說眼藥之法成就最上若有用  
 者即得成就決定無疑

摩那叱羅 雄黃 迦俱婆婆樹汁子 紅蓮

華 青蓮華 海沫一名海浮石 牛黃 鬱金

根一名黃薑 小栢根 胡椒 葦菱十四 乾薑

已前件藥並擣研為極細末以龍腦香麝香  
 和之誦心呪一千八遍隨心呪一千八遍誦  
 根本大呪一千八遍以手取藥觸觀世音菩  
 薩足即塗眼中已所有眼病乃至有目青盲  
 胎努肉悉得除差第二遍塗一切壯熱頭痛

半頭痛口痛悉得除差第三遍塗一切猛惡  
 鬼魅及以癩癩悉得除差第四遍塗一切惡  
 頻那夜迦悉得銷滅第五遍塗一切怨家鬪  
 諍悉皆得勝第六遍塗一切罪障諸毒應墮  
 地獄受無間罪悉得銷滅一切惡夢惡想不  
 吉祥相百千集會悉皆銷滅終不更起皆內  
 眼藥第七日塗纔見一切男女貴賤道俗內  
 外眷屬悉皆隨伏二七日塗得大自在三七  
 日塗當粟散位一切隨伏四七日塗一切夜  
 叉夜叉女及眷屬悉皆隨伏五七日塗羅刹  
 及羅刹女并眷屬悉皆隨伏六七日塗幻術  
 成者能現種種身皆受驅使乃至菩提隨逐  
 順伏七七日塗摩訶迦羅及諸女鬼神眷屬  
 悉皆隨伏八七日塗見隱形者九七日塗得  
 見一切伏藏十七日塗一切窟宅門皆得入

十一七日塗入諸仙藥諸大園苑皆得成就  
 一切藥物草木諸神悉即現形十二七日塗  
 一切山闔門皆得入十三七日塗乃至無有  
 一切諸門無不得入十四七日塗一切諸人  
 無不得見十五七日塗夜見如晝十六七日

塗遠見地下所有諸事十七七日塗世界之  
 中諸有地獄悉皆得見其受罪者皆得解脫  
 十八七日塗之身有威德猶如日光黑暗之  
 中所有窟宅悉皆得見十九七日塗之聖者  
 執金剛現來為證二十七日塗之觀世音菩  
 薩親來現前為證而住現其自身與一切願  
 心所希求悉令滿足二十一七日塗之即得  
 騰空無有障礙及見一切諸佛刹土具見佛  
 身一切菩薩所住之處悉皆得見滿足一年  
 祕密塗藥五眼清淨等共眾眾生如前祕說悉

皆具得勿生疑惑如是成就但讀及誦悉皆  
 當得一切如來轉輪如是摩尼觀世音菩薩  
 蓮華清淨名眼藥成就了復次說眾降伏  
 成就然火之法壽命增長滅一切罪離諸蓋  
 纏一切怨家無不降伏一切障礙皆自銷滅

一切眾生自然歸伏

白檀香 稻穀華燒稻穀華 白芥子本無白字

酪蜜酥相和呪一千八遍燒之以香木然火

纒作此已一切罪障無間皆自銷滅壽命一

千歲一七日燒得壽命二千歲身得清淨永

離蓋纏二七日作法一切男女無不隨伏三

七日作法三十三天諸有眷屬并日天等皆

來隨伏一切所願皆令滿足四天王等無不

下來為常護養持呪者故聖者執金剛與願

成就觀世音菩薩為與願者所有希求悉令

能四

十六

滿足一切喜見無不自在求雨法以酥和芥  
 子三夜燒之諸龍下雨若雨過多即以其灰  
 擲散空中雨便自止又以此灰繞口擲著火  
 中滿一百八遍一切惡風雷雨悉皆不起若  
 常念誦一切諸處無有障礙當得氣力勇猛  
 精進捨身已後得生西方極樂國土生生之  
 處得宿命智如是世尊若比丘比丘尼優婆  
 塞優婆夷諸持呪者此大如意摩尼轉輪觀  
 世音心印讀誦成就應當受持讀誦聽聞當  
 得如是大福德聚得大善根一切男女無不  
 隨順呪者恒常應當護口所作之事終不退  
 轉得大供養一切財寶無不皆得一切衆生  
 願皆滿足爾時世尊告觀世音菩薩言汝為  
 利益一切衆生於閻浮提流轉此法無上心  
 呪但讀即成應如是作觀世音菩薩應當護

持一切衆生數數看視數令成就一切衆生  
 令願滿足觀世音菩薩白佛言世尊我為利  
 益護念一切衆生故我今受持為令一切願  
 成就故讀誦明呪諸願成滿是故世尊我今  
 誠諦唯願世尊慈悲加護

能四

十七

觀世音菩薩如意摩尼陀羅尼經

觀自在菩薩如意心陀羅尼咒經

唐三藏法師義淨奉詔譯

如是我聞一時薄伽梵在伽栗斯山與大菩薩無量眾俱爾時觀自在菩薩摩訶薩來詣佛所頂禮雙足右繞三匝以膝著地合掌恭敬白佛言世尊我今有大陀羅尼明咒大壇場法名青蓮華頂梅檀摩尼心金剛秘密常加護持所謂無障礙觀自在蓮華如意寶輪王陀羅尼心咒第一希有能於一切所求之事隨心饒益皆得成就世尊大慈聽我說者我當承佛威力施與一切眾生世尊此陀羅尼有大神力大方便門我今親對佛前次第宣說惟願世尊垂哀加護於我及一切持明咒者雨妙珍寶猶如意樹生如意寶珠於諸眾生令其所有希求應時果遂爾時世尊讚

觀自在菩薩言如是如是汝能悲愍諸有情類我加護汝即對我前令汝願求一切滿足汝欲宣說無障礙觀自在蓮華如意寶輪王陀羅尼者最極甚深隱密心咒隨汝意說時觀自在菩薩既蒙佛許悲願盈懷即於佛前以大悲心而說咒曰

南無佛馱耶 南無達摩耶 南無僧伽耶

南無觀自在菩薩摩訶薩 具大悲心者

怛姪他 菴斫羯羅伐底 震多末尼莫訶

鉢蹬謎 嚕嚕嚕嚕 底瑟佗 篤入擺

病羯利沙也 吽發莎訶

次說大心咒

菴鉢踏摩 震多末尼 篤同前擺吽

次說隨心咒

菴跋刺陀鉢躡謎吽

爾時觀自在菩薩摩訶薩說是大輪陀羅尼  
呪王已即時大地六種震動諸有天宮龍宮  
及藥叉宮健達婆阿蘇羅緊奈羅等宮殿亦  
皆旋轉迷惑所依一切惡魔爲障礙者見自  
宮殿皆悉顛起無不驚怖惡心衆生惡龍惡  
鬼藥叉羅刹皆悉顛墜於地獄中受苦衆生  
皆悉離苦得生天上于時會中於世尊前天  
兩寶華寶莊嚴具於虛空中奏天妓樂出種  
種聲廣陳供養爾時世尊以美妙音讚觀自  
在菩薩摩訶薩言善哉善哉觀自在汝所宣  
說是大呪王實難逢遇能令衆生求願滿足  
獲大果報若誦此呪所有法式我今當說若  
有善男子善女人苾芻苾芻尼鄔波索迦鄔  
波斯迦發心希求此生現報者應當一心受  
持此呪欲受持時不問日月星辰吉凶并別

修齋戒亦不假洗浴及以淨衣但止攝心口  
誦不懈百千種事所願皆成更無明呪能得  
與此如意呪王勢力齊者是故先當除諸罪  
障次能成就一切事業亦能銷除受無間獄  
五逆重罪亦能殄滅一切病苦皆得除差一  
切重業悉能破壞諸有熱病或晝或夜或一  
日瘡乃至四日瘡風黃痰瘡三焦嬰纏如是  
病等誦呪便差若有他人禡魅蠱毒悉皆消  
滅無復遺餘假使一切癰癭惡瘡疥癩疽癰  
周遍其身并及眼耳舌脣口牙齒咽喉頂腦  
胷脅心腹腰背脚手頭面等痛支節煩疼半  
身不隨腹脹塊滿飲食不銷從頭至足但是  
疾苦無不痊除若有藥叉羅刹毗那夜迦惡  
魔鬼神諸行惡者皆不得便亦無刀杖兵箭  
水火惡毒惡風雨雹怨賊劫盜能及其身亦

無王賊無有橫死來相侵害諸惡夢想蚊蛇  
蝮蠍守宮百足及以蜘蛛諸惡毒獸虎狼師  
子悉不能害兵戈戰陣皆得勝利若有諍訟  
亦得和解若誦一遍如上諸願悉皆遂意若  
日日誦一百八遍即見觀自在菩薩告言善  
男子汝等勿怖欲求何願一切施汝阿彌陀  
佛自現其身亦見極樂世界種種莊嚴如經  
廣說并見極樂世界諸菩薩衆亦見十方一  
切諸佛亦見觀自在菩薩所居之處補怛羅  
山即得自身清淨常爲諸王公卿宰輔恭敬  
供養衆人愛敬所生之處不入母胎蓮華化  
生衆相具足在所生處常得宿命始從今日  
乃至成佛不墮惡道常生佛前爾時觀自在  
菩薩白佛言世尊此梅檀心輪陀羅尼如我  
所說若苾芻苾芻尼鄔波索迦鄔波斯迦若

有至誠心所憶念能受持者必得成就惟須  
深信不得生疑更有藥法在本  
藏中此隱不出爾時世尊讚  
觀自在菩薩言善哉善哉汝大慈無量乃能  
說此微妙如意心輪陀羅尼法於瞻部洲有  
諸衆生發心口誦即得親驗汝依我教於諸  
有情數數勤加策勵示誨令得證驗爲現其  
身莫違我勅我當隨喜時觀自在菩薩白佛  
言世尊我於無量劫來以慈悲心於受苦衆  
生常作擁護唯願證知爲衆生故說此如意  
輪陀羅尼若有受持常自作業專心誦者所  
願成辦我今承佛威力如是救苦爾時觀自  
在菩薩說此如意輪陀羅尼經已一切大衆  
皆悉歡喜信受奉行

觀自在菩薩如意心陀羅尼咒經



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>

